



Uunga siunnersuut: Ilinniartunut tapiisarneq pillugu Inatsisartut inatsisaat nr. xx, xx xxx 2017-imeersoq

(Inuussutissarsiornermut, Suliffeqarnermut, Niuernermet Nukissiuuteqarnermullu Naalakkersuisoq)

Naalakkersuisunut ilaasortap Naalakkersuisut sinnerlugit aalajangiiffigisassatut siunnersuutaanut qulaani pineqartumut qujalluta, matumuuna Inuit Ataqatigiinniit imatut oqaaseqaateqassaagut.

Taamatut ilinniartunut tapiisarneq pillugu inatsisartut inatsisaattut Naalakkersuisut siunnersuuteqarnerminni tunngavilersuutaat assigiinngitsorpassuupput.

Oqaluttuassartaa takisooq naatsumik oqaatigalugu imaappoq Inuit Ataqatigiit isumaat naapertorlugu:

Majoriarmiut, sionatigut qanga Piareersarfimmik taaguuteqartinneqarsimasumi, taassumalu iluani ilinniartut, atuartut pikkorissartartullu ajunngitsorsiassaat - ilinniagaqarnermusiassaat massakkumut tikillugu Kulturimut ilinniartitaanermullu naalakkersuisoqarfiup ataani ingerlanneqartarnikuusimagaluartut, tassa massakut ilinniartoqarfittut namminneq immikkut naqissuserneqartutut illutik, ilinniagaqarnermusiaqartitsisarnikkut, uuma inatsisissap akuerineratigut nammineerlutik inatsiseqalertussanngorput, namminneq aqutassaminnik ingerlatassaminnillu.

Inatsisiliornikkut, Majorissap ataani, ilinniartoqarnerup tunngaatigut, ileqqussat maleruaqqusassallu ersarissarneqarput aalajangersarneqarlutillu.

Inatsisissarlu saqqummiunneqartoq inuiaqatigiit ullumikkut sumut killissimanitsinnik takussutissaalluurtut ilagiinnaraat Inuit Ataqatigiinniit isumaqarfigaarput. Pissusissamisuginnarporlu annerusumik assortuussutaanani akuersissutigineqarnissaa.

Taamaattumik; taamatut naatsumik oqaaseqarluta Naalakkersuisut siunnersuutaat Inuit Ataqatigiinniit taperserlugu ataatsimiisitaliamut susassaqartumut ingerlateqqinneqarnissaa inassuteqaatigaarput.

Qujanaq

Peter Olsen